



## Komunikado di Prensa

26 di yùni 2019

---

### **Cft: Aprobashon di presupuesto ta determinante pa progreso**

**Philipsburg – Kolegio di supervishon finansiero (Cft) ta hasi un yamada na Sint Maarten pa aprobá e presupuesto di 2019, kual ya ta basta atrasá kaba. E aprobashon aki ta nesario pa por optené fianza, por ehèmpel, pa rekonstrukshon di e aeropuerto, i pa por kuminsá ku proyekto ku ta oumentá e entradanan di gobièrnu, manera reforma di Servisio di Impuesto i mehorashon di e maneho finansiero. E mensahe prinsipal di Cft durante e bishita aki ta: tradusí e plannan den akshon i resultado palpabel.**

Sint Maarten te ainda no tin un presupuesto aprobá pa 2019. Cft ta pidi Parlamento pa tuma un desishon tokante e konsepto di presupuesto mas pronto posibel. Un presupuesto pa 2019 ta brinda gobièrnu un base legal pa e gastunan planifiká i ta un kondishon pa inisiá proyekto importante i – i pues tambe – e fiansanan nesario. Cft ta enfatisá importansia di un atministrashon fortifiká di impuesto, ku mester kondusí na e tan nesario oumento struktural di entrada di gobièrnu. Lo por uza e entradanan futuro aki pa realisá e tareanan gubernamental nesario, eliminá e retrasonan den pago aktual i redusí e debe di e pais.

Ehekushon di e plan nobo pa mehorashon di e maneho finansiero a haña retraso, miéntras ku den e último añanan no a realisá progreso signifkante ku e plan original. E falta aki di progreso signifkante ta pone e akuerdo ku Sint Maarten pa por logra optené un deklarashon aprobatorio di akountent pa e kuenta anual di 2021m bou di preshon. Presidente di Cft Raymond Gradus: "Cft ta insistí pa ehikutá implementashon di e mehorashonnan importante aki, sin mas retraso."

Otro kuestion ku a reuní tokante dje durante e bishita di Cft ta ehhekushon di e presupuesto di 2019, preparashon di e presupuesto di 2020, sosten di likides i e estado aktual di e instrukshon di Konseho di Minister di Reino di 2015. Pa kumpli ku e instrukshon ei Sint Maarten mester kompensá su défisitnan di pasado, eliminá su retrasonan den pago i hasi e sistema di kuido i penshon di behes di e pais mas sostenibel. Relashoná ku e Ultimo aki, Sint Maarten a proponé pa subi edat di Penshon di Behes di 62 pa 65 aña na 2020. Cft ta konsehá Sint Maarten pa start e proseso presupuestario pa 2020, di moda ku den e próksimo lunanan lo tin un konsepto di presupuesto i por inkluí den dje subida di edat di Penshon di Behes. Cft ta ekspresá su desapunto pa ku e echo ku te ainda no a implementá e adaptashon di e legislashon tokante di penshon, manera a keda primintí. Mas retraso ta totalmente indeseabel.

Ta spera ku e kuota di debe di Sint Maarten lo oumentá di 37 pa 51 porshento na 2019. E oumento aki ta prinsipalmente un konsekuensia di e fianza planeá pa invershon di kapital, e fianza pa rekuperashon di e aeropuerto i e apoyo di likides. Cft lo sigui e desaroyo di e proporshon entre e debe i e PIB (GDP), pa manten'é na un nivel sostenibel.

Na 2010 Hulanda a palabrá pa tuma 70 porshento di e debe pendiente di e anterior Antia Hulandes. Na mes momento a introdusí e Lei di Reino di supervishon finansiero i a krea Cft pa yuda e paisnan Sint Maarten i Kòrsou prevení ku un situashon di debe insostenibel lo a bolbe presentá su mes. Komo resultado di e Lei di Reino, ta usa un tasa di interes abou pa e debenan koriente i pa fianza nobo pa invershon di kapital. E tasa di interes aki ta konsiderablemente mas abou ku interes na otro pais den Karibe. Sint Maarten tin pues mas libertat finansiero pa usa e rekursionan pa e nesidadnan di e pueblo di Sint Maarten.

Cft ta pidi un bes mas atenshon di gobièrnu pa finalisashon di e kuantanan anual di e añanan anterior pa finalisá e proseso di responsabilisashon. Parlamento ya a aprobá e kuantanan anual di 2013 i 2014, pero Gobernador mester firma nan ainda. Ainda no a entregá e kuantanan anual di 2015 i 2016 na Parlamento i ainda mester traha e kuantanan anual di 2017 i 2018.



Kolegio di supervishon finansiero di Kòrsou i Sint Maarten a bishitá Sint Maarten di 24 te 26 yùni i a tene reunion ku Gobernador, Minister di Finansa, Konseho di Minister i e direktor di programa pa reforma di Servisio di Impuesto.

[Fin di komunikado]

**Foto:**

Cft

**Teksto pa foto:**

Aprobashon di e presupuesto ta urgentemente nesesario pa por realisá e plannan.

**Nota pa redakshon– no pa publikashon**

Persona di kontakto na Cft:

Sekretariado Kolegio di supervishon finansiero  
Koert van Buiren – Sekretario interino  
Telefon (+5999) 461-9081  
Email info@cft.cw  
Internet www.cft.cw

Persona di kontakto pa Prensa:

Jefka Martina  
Telefon (+5999) 512-6861